



Isumaqtigiissut

Sulinermik Inuussutissarsiuteqartut

Kattuffiata

aamma

Avaannaata kommunia

akornanni

1. aprilli 2020 - 31. marsi 2023

Imaaasa allattorsimaffiat

§ 1 - Isumaqtigiissummi pineqartut	3
§ 2 - Atorfinititsitaaneq.	3
§ 3 - Suliffiup sivisussusia.	3
§ 4 - Akissarsiat.....	4
§ 5 - Atorfeqarsimanerup sivisussusia.....	5
§ 6 - Qaangiuttoorneq.	6
§ 7 - Sapaatini nallittunilu tapisiat aaamma nallittuni ulluinnartigoortuni akissarsiat.	6
§ 8 - Tapisiat immikkut ittut.....	7
§ 9 - Persaqusersorneqarnermut akiliutit.	7
§ 10 - Soraarnerussutisiaqalernissamut akiliutit taakkualu akilerneqartarnerat.....	7
§ 11 - Uniformi.	8
§ 12 - Assuarlersinnaatitaaneq.	8
§ 13 - Suliamik unitsitsigallarneq.	8
§ 14 - Sulinngiffeqarneq sulinngiffeqarnersiutillu.	9
§ 15 - Napparsimaneq.....	9
§ 16 - Naartuneq, ernineq qitornavissiartaarnerlu.	10
§ 17 - Meeqqap napparsimanerani ullormi siullermi sulinngikkallarneq.	10
§ 18 - Sulinngikkallarnerit immikkut ittut allat.	11
§ 19 - Qinikkatut pisortanillu toqqakkatut suliassaqartitaaneq.	12
§ 20 - Toqukkut qimagaanersiutit.	12
§ 21 - Aaqqiagiinngissutit.....	13
§ 22 - Isumaqtigiissitsiniartulerluni aaqqiagiinngissummik aalajangiineq...	13
§ 23 - Sulisut sinnisaat pillugit aalajangersakkat.	16
§ 24 - Soraarniuteqarnermik soraarsitsinermillu kalerriuteqarnerit.....	16
§ 25 - SIK-p Qaammarsaanermut Ilinniartitaanermullu Aningaasaateqarfia.17	17
§ 26 - SIK-p Isumaginninnermut Aningaasaateqarfia.	17
§ 27 - SIK-p Sulinngiffeqarluni Angalanermut Aningaasaateqarfia.	18
§ 28 - Pooqattanik misissuineq.	18
§ 29 - Piffissaq isumaqtigiissutip atuuuffia.	18

§ 1 - Isumaqtigiissummi pineqartut.

Imm. 1. Isumaqtigiissummi uani pineqarput chaufførít, mekaníkerit Avannaata Kom-munia-ni sulisorineqartut.

Imm. 2. Sulisoq isumaqtigiissummi pineqarnersoq nalornissutigineqarpat apeqqut tamanna illua'tungeriinnit isumaqtigiissuteqartunit aalajangiivigineqassaaq.

§ 2 - Atorfinitisaaneq.

Imm. 1. Chaufførítut atorfinitisinneqassapput inuit angisuumik ingerlatsisinnaanermut allagartallit, inuussutissarsiutigalugu inunnik angallassisinnaanermut upper-narsaasikkamik.

Imm. 2. Mekaníkeritut atorfinitisinneqassapput inuit svendebrevimik, ilinniarsimaner-mut uppernarsaammik imaluunniit inuussutissarsiutinik tunngaviusumik ilinni-agaqarsimanermut STI-miluunniit ilinniagaqarsimanermut assingusumik up-ternarsaatissaqartut, kiisalu angisuumik ingerlatsisinnaanermut allagartallit, inuussutissarsiutigalugu inunnik angallassisinnaanermut uppernarsaasikka-mik.

Imm. 3. Kalaallit Nunaannut suliffissarsiortut killilersimaarnissaat pillugu Inatsisartut i-natsisaat qaqugukkulluunniit atuuttoq illua'tungeriit sianigaat.

Imm. 4. Aammattaaq Ilulissat Bussii A/S isumaqtigiissut manna aqqutigalugu kaju-missaarerusuppoq sulisumi SIK-mut ilaasortangornissaannut.

§ 3 - Suliffiup sivisussusia.

Imm. 1. Piffissaq nalinginnaasumik suliffiusartussaq sapaatip-akunneranut naluna-a-quttap-akunnerinik 40-nik sivisussuseqarpoq sapaatip-akunneranut ataasiar-luni ulloq unnuarlu sulinngiffiusassalluni, ulloq unnuarlu sulinngiffit minner-paamik sisamassaat sapaammi imaluunniit nalliuuttumi pitinnejartassalluni. Piumasqaataavoq sapaatip-akunneranut piffissap suliffiusup sapinngisamik ullunut tallimanut agguataarneqarnissaat, allamik isumaqtigiissuteqartoqar-simanngippat, ingerlatseqatigiiffiup pisariaqartitai sulisullu kissaatigisaat sia-nigalugit.

Imm. 2.Piffissamut suliffissamut pilersaarusiortoqassaaq sulisut sinnisaannut takutinneqartumik. Pilersaarusiaq ima siusitsigisukkut saqqummiunneqassaaq ingerlatsivik allanngortitsisinnaanissaminut piffissaqaqqullugu. Allannguutaasinhaasut chaufførinit kalerriutigineqassapput kingusinnerpaamik suliffissap aallartinnissaa ullunik pingasunik sioqqullugu, taamaallaallu akuerineqarsin-naallutik sulinerup aaqqissuussaaneranut naapertuuppata.

Imm. 3.Chaufføri piffissanik aalajangersimasunik suliffeqarpat sulisitsisullu kissaati-gippagu piffissamut allamut nikissasoq, tamanna minnerpaamik ullunik arfineq-marlunnik sioqqullugu kalerriutigineqassaaq, chaufførilu piffissamut suliffissamut allamut nikinnissaq pillugu isumasioqatigineqassaaq.

Imm. 4.Bussimik ingerlatsilluni nalunaaquttap-akunneri sisamat qaangerneqarpata akissarsiaqarluni unillatsiartoqarsinnaavoq nalunaaquttap-akunnerata af-faani.

Imm. 5.Bussimik ingerlatsinerup nalaani nalunaaquttap-akunnerata affaa inorlugu uninnganeq piffissatut suliffiusutut naatsorsuunneqassaaq.

Imm. 6.Piffissamut suliffissamut pilersaarutip avataatigut ingerlatsisoqarpat ullormut sulinerup sivitsuutigisaanik, tamanna akilerneqassaaq § 6 imm. 1 naapertor-lugu.

Imm. 7.Piffissaq suliffiusoq aaqqissuunneqassaaq sullivinni avatangiisit pillugit inatsimmut qaqgukkulluunniit atuuttumut naapertuutumik. Tamanna saneqqun-neqarsinnaavoq Ilulissat Bussii A/S-p siunertaani allassimasut aalajangiusimanissaannut tamanna pisariaqalissagaluarpat. Saneqqutsineq pissaaq sulisut sinnisaata isumasioqatigineratigut.

§ 4 - Akissarsiat.

Imm. 1.Buschaufførit, mekanikerit aamma suliffimmi naalagaasat akissarsiaqartinne-qassapput akissarsiat tunngavii uku naapertorlugit: Akissarsiassat katarsoneqassapput akunnerup kuartiata aallartinneranit, kisitsinerliornermut tapit ilanngullugit

	1. aprili 2020	1. aprili 2021	1. aprili 2022
--	----------------	----------------	----------------

Chafførit	182,47 kr.	185,47 kr.	188,47 kr.
Mekanikerit	214,70 kr.	217,70 kr.	220,70 kr.

§ 5 - Atorfeqarsimanerup sivisussusia.

Atorfeqarsimanerup sivisussusia naatsorsorneqassaaq akunnerup kuartiata aallartinneranit.

Imm. 1. Atorfeqarsimanerup sivisussusia naatsorsorneqalissaq ingerlatsivimmi atorfinitssinneqarneq aallartiffigalugu. Ingerlatsiviup atorfinerlaat siornatigut sulifeqarfimmi allami inuussutissarsiornikkut naleqquttumik misilittagaqarneri tunngavigalugit atorfeqarsimanikkut sivisussusiliiffigisinnaavai ataasiakkaarlugit isumaqatiginiareernerisigut.

Imm. 2. Buschaufføritut atorfinitssinermi atorfeqarsimanerup sivisussusia tunngavigalugu tapeqartitsisoqassaaq buschaufføritut pilersaarutit malillugit angallas-silluni siornatigut sulisimaneq uppernarsaatissaqtinnejqarpat.

Imm. 3. Mekanikeritut ilinniarsimasutut atorfinitssinermi atorfeqarsimanerup sivisussusia tunngavigalugu akissaasersorneqarneq siusinnerpaamik ilinniarnerup naammassineranit naatsorsorneqalissaad.

Imm. 4. Sulisoq soraarsinneqarpat qaammatilli arfinillit qaangiutsinnagit atorfinitseq-qinneqarlni sulisup sulinermi unitsinneqarnerata tungaanut atorfeqarsimanermi sivisussusianik katersarerrikkani atatiinnassavai.

Imm. 5. Napparsimamanerit nalaanni sulinermilu ajoquserneq pissutigalugu sulisinnaajunnaaqqanermi, erninermut qitornavissiartaarnermullu atatillugu sulinnginhermi kiisalu qinikkatut sulinngiffeqarnermi atorfeqarsimanerup sivisussusianik katersisoqassaaq.

Imm. 6. Chaufførit aamma chaufførinut paarlattaasut atorfeqarsimanerup sivisussusia tunngavigalugu nalunaaquattap-akunneranut akissarsiaat ilaneqartassapput ima aningaasartalerlugit:

Ukioq 1 atorfeqareernermi	Nal. akunneranut 3,00 kr.
Ukiut 2 atorfeqareernermi	Nal. akunneranut 4,50 kr.
Ukiut 3 atorfeqareernermi	Nal. akunneranut 6,00 kr.
Ukiut 4 atorfeqareernermi	Nal. akunneranut 7,25 kr.
Ukiut 5 atorfeqareernermi	Nal. akunneranut 8,75 kr.
Ukiut 6 atorfeqareernermi	Nal. akunneranut 11,25 kr.

§ 6 - Qaangiuttoorneq.

Imm. 1. Ullut arfineq-marluk ingerlaneranni nalunaaquttap-akunneri 40-t sinnerlugit suligaanni § 3 imm. 1 naapertorlugu nalunaaquttap-akunneranut akissarsiat ima taperneqassapput:

Nalunaaquttap-akunneranut akissarsiat 50 %-ii akiliutigineqassapput. Qaangiuttoornersiassanik katersisoqassaaq akunnerup kuartiata aallartinneranit.

§ 7 - Sapaatini nalliuttunilu tapisiat aamma nalliuttuni ulluinnartigoortuni akissarsiat.

Imm. 1. Sapaatini nalliuttunilu sulinermi nalunaaquttap-akunnermusiaq tapeqartinneqassaaq. Tapisiaq nalunaaquttap-akunneranut akissarsiap 50%-erissavaa katarsorneqassallunilu akunnerup kuartiata aallartinneranit. Qaangiuttooreruppat § 6 naapertorlugu tapisisitsisoqassaaq.

Imm. 2. Nalliuttuni ulluinnartigoortuni ullormut ilivitsumut 300,00 kr. akissarsiaritinneqassapput aamma ullormut affarmut 160,00 kr. piumasat matuma ataaniittut naammassineqarpata:

Sulisoq nalliuttup ulluinnartigoortup siuningnguatigut kingornatigullu ullormi suliffiusumi tamakkiisumik sulissaaq, napparsimalluni allamilluunniit pissuteqavilluni sulinngitsuunngikkuni, imaluunniit sila pissutigalugu sulineq unitsin-neqanngippat allamilluunniit immikkut ittumik pissuteqartumik suliffik matune-qanngippat.

Imm. 3. Ullut nalliuttutut naatsorsuutigineqartut tassaapput:

- a) llagiit pisortatigoortut nalliuttui,
- b) juulliaraq,
- c) ukiutoqaq,
- d) Kunngit Pingasut Ulluat (nal. 12.00-ip kingornatigut),
- e) 1. maaji (nal. 12.00-ip kingornatigut),
- f) Kalaallit Inuiattut Ullorsiorfiat (21. juuni).

§ 8 - Tapisiat immikkut ittut.

Imm. 1. Sulisut piffissap suliffiusup nalinginnaasup avataatigut radioqartinneqartut / mobileqartinneqartut pigaartuunermut immikkut ittumik tapisiaqartinneqas- sapput. Pigaartuunermut tapisiaq ulluinnarni sillimanermut ataatsimut 160,00 kr.-iussaaq sapaatinilu 350,00 kr.-iussalluni. Nukinginnartumik qaangiuttoor- tariaqalerner mi § 6 - qaangiuttoorneq - atutissaaq.

Imm. 2. Sulisoq naliginnaasumnik piffissap suliffiusup avataatigut suliaroqqune- qarpat minnerpaamik nalunaaqu ttap-akunnerinut sisamanut akilerneqassaaq tapisiaasinnaasut ilanngullugit.

Imm. 3. Piffissap isumaqtigiissuteqarfiusup nalaani § 3, imm. 4 allanngortinneqarpat tamatumunnga taarsiissutitut nalunaaqu ttap-akunneranut kr. 5,25-nik immik- kut ittumik tapisisitsisoqassaaq.

§ 9 - Persaqusersorneqarnermut akiliutit.

Imm. 1. Unnuakkut sulinermut akiliutitut persaqusersorneqarnermut tapisiaqartitsiso- qassaaq imaattumik: Nalunaaqu ttap-akunneranut 40,00 kr. Persaquser- sorneqarnermut tapisiaq akunnerup kuartiata aallartinneranit katarsorneqar- tassaaq.

- 1) Ulluinnarni piffissat ukua akornanni: nal. 18:00 aamma 06:00.
- 2) Arfininngornerni ukua akornanni: nal. 14:00 aamma 24:00.

§ 10 - Soraarnerussutisiaqalernissamut akiliutit taakkualu akilerneqartarnerat.

Imm. 1. Sulisunut 20-t sinnerlugit ukiulinnut sulisitsisoq soraarnerussutisiassanik aki- liisassaaq Soraarnerussutisiaqalernissamut Aningasaateqarfimmut SISA- mut akissarsianit § 4-mi taaneqartunit isumaqtigiissutit tunngavigalugit ator- finitsinneqarsimasup soraarnerussutisiassanut akileeqataassutit. Akiliuti- gineqartup agguataarlugu sulisumut pingajoraarterutaa pigitinneqarpoq su- litsisumullu pingajoraarterutaa marluk pigitinneqarluni. Soraarnerussutisia- quartitsisoqartassaaq soraarnerussutisiaqalernissamut aaqqissuussinermi malittarisassaani aalajangersakkat naapertorlugit.

Soraarnerussutisiassanut akiliutit agguataarneri piffissami isumaqatigiissuteqarfiusumi:

Sulisitsisup akiliutai:	Sulisup akiliutai:
1. aprigli 2017-imit	8,53 %

4,22 %

§ 11 - Uniformi.

Imm. 1. Avannaata Kommunia pisussaavoq sulisut (chaufførit, mekanikerit aamma suliffimmi naalagaasat) uniformeqartissallugit uniformeqarnermut malittarisassat naapertorlugit. Uniformeqarnermut malittarisassat suliarineqassapput sulisut sinnisaat qaqgukkulluunniit atuuttoq suleqatigalugu.

§ 12 - Assuarlersinnaatitaaneq.

Imm. 1. SIK isumaqatigiissutigineqarsimasoq naapertorlugu assuarlersinnaatitaavoq ulluinnarni piffissaq suliffiusartoq aammalu arfinningornikkut sulisannginnerit sulisut kissaataannut naapertuuttumik naatsorsutigineqanngissorigunigut, aammalu tamanna suliffimmut pitsanerusussaq eqqarsaatigalugu naammatumik tunngavissaqarsorinngikkuniuk.

Imm. 2. Sulisup §§ 5 - 9-mi pissarsiassat taaneqartut pissarsiarisinnaanerai nalornis-sutaassappat, aammalu sulisut sinnisaat aqqutigalugu saaffiginnissutit naammaginartumik iluarsiivigineqanngippata, isumaqatigiissutigisimasami malittarisassat naapertorlugit suliassaq suliarineqarsinnaavoq.

§ 13 - Suliamik unitsitsigallarneq.

Imm. 1. Sulisoq sulinermi nalaani sila pissutigalugu unitsinneqartoq, allamillu sulia-sinneqarsinnaanngitsoq, minnerpaamik ullormut nalinginnaasumik sulinermut akissarsiaqartinneqassaaq 4 - 9, angerlartitaanera piffissap suliffiusup pisarnertut aallartinnerani pigaluarpanluunniit.

§ 14 - Sulinngiffeqarneq sulinngiffeqarnersiutillu.

Imm.1. Sulisut feerieqarneq pillugu Inatsisartut inatsisaat nr. 10, 12. novembari 2001-imeersumi malittarisassat tunngavigalugit ukiumoortumik feeriarnissaminut pisinnaatitaaffeqarput. Inatsisartut inatsisaanni kapitali 1, § 2 naapertorlugu malittarisassat immikkut ittut matuma ataaniittut isumaqtigissutaapput.

Imm. 2.Sulisoq akissarsiarisimasami sulinngiffeqarnersiutissaminik katersissaaq - kisianni uku katsersaqataassanngillat: § 15 naapertorlugu napparsimaniuersiutit kiisalu § 10 naapertorlugu soraarnerussutisiassanut sulisitsisup akiliutai - 12,5%-iinik.

Imm. 3.Sulinngiffeqarnersiutinik pisassanik piumasaqarneq sulisitsisumut saqqummiunneqassaaq kingusinnerpaamik ukiup sulinngiffeqarfiup naaneraniit qaamatit pingasut qaangiutsinnagit. Taamaattoqarsimannngippat aningaasat SIK-p Sulinngiffeqarluni Angalanermut Aningaasaateqarfiata pissavai.

§ 15 - Napparsimaneq.

Imm. 1.Sulisinnaajunnaarnermik kinguneqartumik napparsimagaanni napparsimaniuersiuteqartitsisoqassaaq, sulisinnaajunnaarneq makkuninnga pissuteqannngippat sulisup nammineq piaaraluni imaluunniit mianersuaalliorujussuarsi-manermigut, tamannaluunniit ingerlatsivimmut nipangiussimappagu.

Imm. 2.Napparsimanermi ullormusiat ullormut napparsimaffiusumut 150,00 kr.-iupput ingerlatsivimmit akilerneqartussat.

Imm. 3.Ullormusiaqartitsineq unissaaq ullormi sulisup sulisinnaaleqqiffiani, sulisoq ingerlaannaq sulilinngikkaluarppardunniit, aammalu sulisoq peqqissinerminik nalunaaruteqannngikkaluarppardunniit. Ullormusiaqartitsinerli nangissaaq sulisup sulisinnaaleqqikkaluarluni suliffimmi najugaqarfia qimallugu napparsimanermi katsorsartereerluni aqqutissaq pilertornerpaaq toqqaannartorlu ator-lugu suliffimminut uternissaata tungaanut.

Imm. 4.Ullormusiaqartitsisoqarsinnaavoq sivisunerpaamik sapaatip-akunnerini 26-ni qaamatit tulleriiginnaat 12-it iluanni. Sulisinnaannnginnerli sulinerup nalaani ajutoornermik pissuteqarpat ullormusiaqartitseqqittoqarsinnaavoq suli sapaatip-akunnerini 13-ini.

§ 16 - Naartuneq, ernineq qitornavissiartaarnerlu.

Imm. 1. Sulisut akissarsiaqaratik sulinngissinnaatitaapput naartuneq, ernineq qitornavissiartaarnerlu pissutigalugit peqanngittariaqarnerminni. Tamatumani inner-suussutigineqaannassapput pisinnaatitaaffit Inatsisartut inatsisaanni qa-qugukkulluunniit atuuttumi atortinneqartut.

§ 17 - Meeqqap napparsimanerani ullormi siullermi sulinngikkallarneq.

Imm. 1. Sulisoq piffissaq tamakkerlugu imaluunniit piffissap ilaannaani akissarsiamnik annaasaqarnani sulinngikkallarsinnaatitaavoq meeqqap 14-it inorlugit ukiullip angajoqqaaminiittup napparsimanerani ullormi siullermi. Akissarsiaqarluni sulinngikkallartitaasoqassaaq meeqqap pisariaqartumik paarineqarnissaa qulakkeerniarlugu.

Ulloq meeqqap napparsimaffia siulleq ima paasineqassaaq ulloq suliffiusoq ilivitsoq siulleq meeqqap napparsimanera pillugu sulinngitsoorfiusariaqartoq. Meeqqap ukiukitsup napparsimalernera pillugu piffissaq suliffiusoq aallartereersoq sulisoq aggeqquneqarpat tamanna ullortut meeqqap napparsimaffiatut siullertut naatsorsuunneqassanngilaq, kisianni pissuteqarluni sulinngin-nertut akissarsianik annaasaqaataasussaanngitsutut.

Imm. 2. Meeqqap 14-it inorlugit ukiullip napparsimmavimmut unitsinnejnarnerani angajoqqaat najuuffigisariaqagaanni ullut 12-it tikillugit akissarsianik annaasaqarani sulinngikkallarsinnaatitaasoqassaaq. Tamanna aamma atuutissaaq meeqqap napparsimmavimmut unitsitaanerani Peqqinnissaqarfuiup akiligaa-nik angalanermi siumut utimullu angajoqqaat meeqqamut ingiallortaappata.

Imm. 3. Meeqqap napparsimavimmut unitsitaaneranut tamatumunngalu atatillugu angajoqqaat ingiallortitut angalaqataanerannut atatillugu sulinngikkallarneq sulisitsisumut uppernarsarneqarsinnaassaaq. Taamatuttaaq piumasaqaataavoq sulisup sulinngikkallarnini sioqqullugu sivikinnerpaamik ukiumi ataatsimi suliffeqarfimmi atorfeqarsimanissaa.

Imm. 4. Immikkut illuinnartumik pissutissaqartillugu nakorsamillu uppernarsarneqarpat sulinngikkallarneq sivitsorneqarsinnaavoq ullut tallimat tikillugit.

Imm. 5. Atornerluinermi aaqqissuussineq sulisunut ataasiakkaanut atortussaajun-naarsinnejqarsinnaavoq.

Imm. 6.Akissarsisitsisoqassaaq sulisup nalunaaquttap-akunnermusiaanik nalingin-naasumik, taanna piffissamut suliffissamut pilersaarusiaq malillugu nalunaa-quttap-akunnerinik suliffiusussaatinneqartunik gangerlugu.

§ 18 - Sulinngikkallarnerit immikkut ittut allat.

Imm. 1.Sulisut ilaqttamik qanigisamik perulullutik napparsimaneranni, toquneranni imaluunniit ilisaanerani akissarsiatic pigiinnarlugit sulinngikkallarsinnaatitaappa-put ullut tallimat tikillugit.

Imm. 2.Ilaquttat qanigisat tassaapput: angajocqaat, aapparisaq taamatulluunniit naatsorsuussat, qitornat qatanngutillu, kisianni aapparisap taamatulluunniit naatsorsuussap ilaqtai pinnagit.

Imm. 3.Sulisut ilaqttamik qanigisamik perulullutik napparsimaneranni imaluunniit toquneranni, imm. 2 naapertorlugu, nakorsap allagarsiussaanik imaluunniit toqusup allagartaanik il.il. uppernarsaasikkamik qinnuteqarnermikkut akiliun-neqarlutik angalasinnaatitaappa-put suliffigisamit napparsimaruluttup uninngavisaanut imaluunniit toqusup najugaanut Kalaallit Nunaanni Danmarkimiluuniit.

Imm. 4.Imm. 1 naapertorlugu sulinngikkallarsinnaatitaassagaanni piumasaqaataavoq sulisup sulinngikkallarsinnaatitaanissani sioqqullugu sivikinnerpaamik ukumi ataatsimi suliffeqarfimmi atorfegareersimanissaa.

Imm. 1 naapertorlugu sulinngikkallarnissamik kissaatigisaq allaganngorlugu uppernarsaatitalerlugulu sulisitsisumut tunniunneqassaaq.

Imm. 5.Taamatut sulinnginnerup nalaani akissarsiassat naatsorsorneqassapput pif-fissamut suliffissamut pilersaarummi sulisup piffissaq suliffigisartagaa naluna-aquttap-akunnermusiaalu nalinginnaasoq tunngavigalugit.

Imm. 6.Ilaasortat aamma SIK-p Inuuusuttaani siulersuisuunernut ilaasortat SIK-p siu-lersuisuunerisa ataatsimiinnerinut peqataanerminnut atatillugu akissarsiaqar-lutik sulinngissinnaatitaappa-put amerlanerpaamik ukiumut sisamarlarlutik.

Imm. 7.Sulisut uku akissarsiaqarlutik sulinngissinnaatitaappa-put:

- a) SIK-p aamma SIK-p Inuuusuttaasa siulersuisuunerinut ilaasortaa-sut,
- b) SIK-p Ataatsimeersuarneranut aamma Nakkutilliisoqarfiata ataatsimiinneranut peqataasussat, aamma

- c) SISA-p siulersuisuisa ataatsimiinnerannut peqataasussat amer-
lanerpaamik ukiumut sisamariarlutik.

Imm. 8. Akissarsisitsisoqassaaq taamaallaat piffissamut pineqartumut tunngatillugu suliffissamut pilersaarusiaq aamma § 4 naapertorlugit.

§ 19 - Qinikkatut pisortanillu toqqakkatut suliassaqartitaaneq.

Imm. 1. Isumaqtigiissut manna tunngavigalugu sulisut pisariaqarnera tunngavi-
galugu akissarsiaqarnatik sulinngikkallarsinnaatitaapput makkuninnga suli-
aqarnissaq siunertaralugu:

- a) Inatsisartunut ilaasortaaneq,
- b) kommunalbestyrelsimut ilaasortaaneq,
- c) ilagiit sinniisaannut ilaasortaaneq,
- d) atuarfiit siulersuisuinut ilaasortaaneq,
- e) kredsdommeriuneq,
- f) eqqartuusseqataasartuuneq,
- g) eqqartuussivimmi illersuisuuneq,
- h) SIK-p Inuuusuttaasa siulersuisuuner aamma Sulinermik Inuuusutis-
sarsiuteqartut Soraarnerussutisiaqalernissamut Aningaasaateqar-
fiata SISA-p siulersuisui,
- i) pisortanit suliassaqartitaanerit allat pisortanit SIK-p immikkoortorta-
qarfiini siulersuisuni ilaasortanut imaluunniit SIK-p siulersuisuunerini
ilaasortanut suliakkiutigineqartut.

§ 20 - Toqukkut qimagaanersiutit.

Imm. 1. Sulisoq suliffeqarfimmi sivikinnerpaamik ukioq ataaseq sulisooreersimasoq
atorfeqarnermi nalaani toquppat aappaanut / inooqataanut imaluunniit
qitoraanut 18-it inorlugit ukiulinnut qimagaasunut toqusup pilersugassaris-
masaanut qimagaanersiutit § 4 naapertorlugu tunniunneqassapput:

Suliffimmi tessani sulisimagaanni:

- | | |
|--------------------------------|-------------------------------|
| Ukioq 1:..... | Sap. ak. 2-ni akissarsiassat. |
| Ukiut 2:..... | Sap. ak. 3-ni akissarsiassat. |
| Ukiut 5 sivisunerusumillu:.... | Sap. ak. 4-ni akissarsiassat. |

§ 21 - Aaqqiagiinngissutit.

- Imm. 1.** Sulisoq §§ 5 - 9-mi taaneqartunik tapisiaqassanersoq nalornissutigineqalerpat tamannalu pillugu sulisut sinnisaat aqqutigalugu saaffiginninneq naammaginartumik kinguneqanngippat sulisup sulisut sinnisaat aqqutigalugu tamanna SIK-p immikkoortortaqarfianut imaluuniit SIK-p allattoqarfianut saqqummiussinnaavaa ingerlatsivimmut isumaqatiginniniutigisassanngorlugu. Isumaqatigiittoqanngippat suliassaq matuma ataani imm. 2-mi allassimasut maillugit suliarineqassaaq.
- Imm. 2.** Isumaqatigiinngittooqalerpat isumaqatigiinngissut piaernerpaamik iluarsinairneqassaaq sulisup ingerlatsiviullu isumaqatigiinniarneratigut. Isumaqatigiin-niarnerup inernerera allallugu imaqarniliarineqassaaq illua'tungeriinnit atsior-neqarluni sumiiffimmilu SIK-p immikkoortortaqarfianut tunniunneqarluni.
- Imm. 3.** Isumaqatigiinniarnerni imm. 2-mi taaneqartuni isumaqatigiis-suteqartoqanngippat ingerlatsivik sumiiffimmilu SIK-p immikkoortortaqarfia tamanna pillugu isumaqatigiinnialissapput. Isumaqatigiinniarneq sapinngisamik piaartumik ingerlanneqassaaq, imaqarniliarlu imm. 2-mi taaneqartoq isu-maqatigiinniutinut ilangunneqassaaq. Ingerlatsiviup aamma SIK-p immik-koortortaqarfiaita isumaqatigiinniarnerisa inernerat allallugu imaqarniliarine-qassaaq illua'tungeriinnit atsiorneqartoq.
- Imm. 4.** Imm. 3-mi taaneqartuni isumaqatigiinniarneratigut isumaqatigiinngissut aaqqiissutissarsineqanngippat tamanna Isumaqatigiissitsiniartulerluni aaqqiagi-inngissummik aalajangiisartunut, § 22 naapertorlugu, aalajangiiffigisas-sangortinneqassaaq isumaqatigiissuteqartartuni illua'tungeriit arlaata tamanna piumasarippagu.
- Imm. 5.** Sulisut suliamminik unitsitsinissaminnik kalerrisaaruteqarnerata peqatigisa-nik illua'tungeriit isumaqatigiinniassapput sulisut kikkut sulinermik unitsitsine-rmi peqataatinneqassannginnersut.

§ 22 - Isumaqatigiissitsiniartulerluni aaqqiagiinngissummik aalajangiineq.

- Imm. 1.** Isumaqatigiissitsiniartulerluni aaqqiagiinngissummik aalajangiisussat tallima-nik ilaasortaqaassapput: Siulittaasoq kiisalu isumaqatigiissitsiniartartut sisamat. Isumaqatigiissitsiniartulerluni aaqqiagiinngissummik aalajangiiniarner-mi siulittaasoq illua'tungeriinnit toqqarneqassaaq. Siulittaasumik qinersiniar-

nermi isumaqatigiittoqanngippat Sulisartoqarnermi Eqqartuussiviup siulitasua qinnuigineqassaaq toqqaaqqullugu pingaartumik Sulisartoqarnermi Eqqartuussiviup eqqartuussisuisa akornannit.

- Imm. 2.** Isumaqatigiissitsiniartulerluni aaqqiagiinngissummik aalajangiisartut sulias-samit suliassamut illuatungeriinnit toqparneqartassapput, tassami Illuatun-geriit tamarmik isumaqatigiissitsiniaaqataasartussamik ataatsimik toqqa-sassammata.
- Imm. 3.** Naammagittaalliuuteqartup naammagittaalliuuteqarnermini allagaqaamminut ilangullugit tunniutissavai isumaqatigiissitsiniartulerluni aaqqiagiinngissummik aalajangiisartussanut ilaasortaatitassatut toqqakkami aqqisa najugaasalu al-lassimaffii.
- Imm. 4.** Naammagittaalliuutigineqartup naammagittaalliornermi allagaqaatip tigune-raniit ullut 30-it qaangiutsinnagit isumaqatigiissitsiniartulerluni aaqqiagiin-ningissummik aalajangiisartutut ilaasortassaattut toqqakkamik aqqisa najuga-asalu allasimaffii saqqummiutissavai.
- Imm. 5.** Isumaqatigiissitsiniartulerluni aaqqiagiinngissummik aalajangiisarfimmik pilersitsisoqarnissaanik kissaateqarneq naammagittaalliuuteqarnermi allaga-qaatit ilusilerneqarsimangippat naammagittaalliuut isumaqassitsiniartuler-luni aaqqiagiinngissummik aalajangiisarfiup siulittaasuanut tunniunneqas-saaq kingusinnerpaamik isumaqatigiissitsiniartulerluni aaqqiagiinngissummik aalajangiisarfimmik pilersitsisoqarnissaanik naammagittaalliuuteqartumut nalunaaruteqarnermiit sap. akunnerisa marluk qaangiunneranni.
- Imm. 6.** Naammagittaalliuuteqarnermi allagaqaat ilangussartalik siulittaasumit maa-laaruteqarfigineqartumut nassiunneqassaaq, naammagittaalliuutigineqartor-lu akissuteqarluni ilangussatut saqqummiukkumasaminik ilalinnik allaga-qarnissaminut piffissarititaasumik nalunaarfigineqassaaq.
- Imm. 7.** Suliassap oqaatsitigut isumaqatigiinniutigineqarnissaa sioqqullugu siulittaa-sup aalajangiineratigut Illuatungeriit siullermeerlutik aappassaaneerlutillu im-minnut akissuteqarfiginissaminut akuerineqarnerat nalunaarutigineqartas-saaq.
- Imm. 8.** Aammattaaq Kalaallit Nunaanni eqqartuussisarnernik inatsit pillugu nalunaar-rummi aalajangersakkat pissutsit qanoq ittuuneri naapertorlugit qajassuarne-rusunngorlugit atuutitinneqartassapput.

Imm. 9. Isumaqtigiissitsiniartulerluni aaqqiagiinngisummik aalajangiisartut pilersineqarnermik kingornagut piaarnerpaamik ataatsimiittassapput. Isumaqtigiissitsiniartulerluni aaqqiagiin-ngisummik aalajangiisartut oqaloqatigiinneri siulittaasumit siulorsorneqartussat siulittaasup peqataaffigisassavai.

Imm. 10. Suliassaq oqaloqatigiissutigineqareernermigut isumaqtigiissitsiniartulerluni aaqqiagiinngisummik aalajangiisartut ilaasortaanit nalinginnaasumik amerlanerussuteqarnikkut aala-jangiiffigineqartassaaq. Amerlanerussuteqarto-qanngippat suliassaq siulittaasumit aalajangiiffigineqartassaaq. Isumaqtigiissitsiniartulerluni aaqqiagiinngisummik aalajangiisartut aalajangigaat al-lanngortinneqarsinnaanngillat aammalu eqqartuussivinnut ingerlateeqqineqarsinnaanatik.

Imm.11. Isumaqtigiissitsiniartulerluni aaqqiagiinngisummik aalajangiisussat nali-lersuerertermigut isumaqtigiisummik unioqqutitsisimaneq pillugu akili-sussanngortitsisinnaavoq.

Imm.12. Isumaqtigiissitsiniartulerluni aaqqiagiinngisummik aalajangiiniarnermi oqaloqatigiissutigisat allattaavinnut allattorneqartassapput suliart ataasiakkaat naammassineqarnerini isumaqtigiissitsiniartulerluni aaqqiagiinngisummik aalajangiiniarnermi ilaasortanit tamarmiusunit atsiorneqartussanik, taamatuttaaq siulittaasumit, taanna aalajangiisuuusimappat. Isumaqtigiissitsiniartulerluni aaqqiagiinngisummik aalajangersaanerminnik illua'tungeriit tamaasa nalunaarfigissavaat.

Imm.13. Aalajangiinerup inernera nalunaarutigineqassaaq ajornannngippat suliassap isumaqtigiissitsiniartulerluni aaqqiagiinngisummik aalajangiisunitiguneqarneranit sapaatip-akunneri sisamat qaangiutsinnagit.

Imm.14. Isumaqtigiissitsiniartulerluni aaqqiagiinngisummik aalajangiiniarnermi in-gerlatsinermi pissuteqartumik aningaasartuutaasinnaasut matussutissaannik illua'tungeriit tamarmik aningaasanik amerlaqatigiinnik Kalaallit Nunaanni aningaaserivimmut toqqorsissapput. Aningaasat amerlassusissaat isumaqtigiissitsiniarluni eqqartuussiviup siulittaasuata aalajangissavaa.

Imm.15. Isumaqtigiissitsiniartulerluni aaqqiagiinngisummik aalajangiisussat aalajangissavaat suliami aningaasartuutaasut illua'tungeriit arlaata sorliup akilisanerai. Tamatuma kingorna aningaasat sinneruttut illua'tungeriinnut utertinneqassapput.

§ 23 - Sulisut sinnisaat pillugit aalajangersakkat.

Imm. 1. Naalakkersuisut, Finansministeriap aamma SIK-p isumaqatigiissutaat 1. agusti 1997-imeersoq atuuppoq allannguutit isumaqatigiissutip matuma pissut-sillu allat malitsigisaat ilanngullugit kiisalu atugassaritat immikkut ittut matuma ataani imm. 2-mi 3-milu taaneqartut naapertorlugit.

Imm. 2. Sulisut sulisullu sinnisaata ataatsimiinneranni peqataaneq taamaallaat § 4 naapertorlugu akissarsiaqaataassaaq, tassa nalunaaquattap-akunneranut akissarsiat tunngaviusut akunnerup kuartianut qaninnerpaamut akunnaallisillugit, taamaallaat piffissamut suliffissamut pilersaarut malillugu sulinerup nalaani.

Imm. 3. Sulisut sinnisaasa ataatsimiinnerannut SIK-p immikkoortortaqarfiata suliffeqarfiup avataani aaqqissuuussaanut peqataanermi sulisut sinnisaat § 4 malillugu akissarsiaqassaaq, tassa piffissamut suliffissamut pilersaarut malillugu sulinerup nalaani akunnerup kuartianut qaninnerpaamut akunnaallisillugit tunngaviusumik akissarsiat, annerpaamilli ullormut nalunaaquattap-akunneranut ataatsimut.

§ 24 - Soraarniuteqarnermik soraarsitsinermillu kalerriuteqarnerit.

Imm. 1. Sulisunut matuma ataani imm. 2-mi taaneqartup saniatigut allatut kipiffeqannigitsumik ingerlatsivimmi sulisimasunut atuupput soraarniuteqarnermi soraarsitsinermilu siumoortumik kalerriisarnissamut aalajangersakkat imm. 2-mi 3-milu taaneqartut.

Imm. 2. Atorfinitstaanermi qaammatip siulliup iluani atorfefqarnerup atorunnaarsin-neqarnissaanut tungasumik sulisitsisoq sulisorluunniit siumoortumik kalerri-nissaminnut pisussaatitaanngillat.

Imm. 3. Atorfinitstaanermi qaammatip siulliup kingorna soraarsitsiniarnermi soraarni-arnermiluunniit siumoortumik kalerriinissat makku atuutissapput:

	Sulisitsisumit	Sulismiit
Ukioq siulleq (kisianni qaammat 1 pinnagu)	Sap. ak. 2.	Ullut 3.
Ukiut atorfefqarfiusut 2., 3., 4. aamma 5	Sap. ak. 4.	Ullut 2.
Tamatuma kingorna	Sap. ak. 6.	Ullut 3.

Imm. 4. Imm. 1-imik taaneqartutut pissusilimmik kipititsinertut naatsorsuutigineqas-
sanngillat napparsimaneq ingerlaannartumik aamma nalunaaqutap-akunneri
24-t qaangiutsinnagit ingerlatsivimmut nalunaarutigineqartoq, erninermi
sulinnginneq aamma maskiinamik unittoorneq, suliassaaleqineq assigisaallu
pissutigalugu sulinermik kipititsineq, sulisoq neqeroorfigineqarnermigut su-
leqqilerpat.

Imm. 5. Siumoortumik kalerriisussaaneq atorunnaassaaq sulisoq sumiginnaappat i-
maluunniit suliffimi suliassaarunneq maskiinanik unittoornermik pissuteqar-
tumik tamakkiisumik ilaannakortumilluunniit naatsorsuutiginngisamik unittoor-
nermik pissuteqartumik sulisoqarsinnaajunnaarallarsimappat.

Imm. 6. Sulisunik ataasiakkaanik soraarsitsinissamut pisinnaatitaanerup atorneqar-
nerani assigiinngitsuliortoqassanngilaq. Suliffeqarfimmi ajunngitsussaq pillu-
gu soraarsitsisoqartassaaq, sumiiffimilu isumaqatigiinniarnikkut isumaqati-
giittoqarsinnaannngikkaangat isumaqatigiinnginneq isumaqatigiissitsiniartuler-
luni aaqqiagiinngissummik aalajangiisartunut saqqummiunneqassaaq, isu-
maqatigiinniartarnerni illua'tungeriit arlaata tamanna piumasarippagu.

Imm. 7. Soraarsitsineq soraarniarnerlu tamarmik allakkatigut pisassapput.

§ 25 - SIK-p Qaammarsaanermut Ilinniartitaanermullu Aningaasaateqarfia.

Avannaata Kommunia SIK-p Qaammarsaanermut Ilinniartitaanermullu
Aningaasaateqarfianut 1. aprili 2020-imit nalunaaquttap-akunneranut suliffi-
gineqartumut 0,75 kr.-inik akiliuteqartassaaq.

§ 26 - SIK-p Isumaginninnermut Aningaasateqarfia.

Avannaata Kommunia SIK-p Isumaginninnermut Aningaasaateqarfianut 1.
aprili 2020-imit nalunaaquttap-akunneranut suliffigineqartumut 0,35 kr.-inik
aki-liuteqartassaaq.

Avannaata Kommuniata Bussii -ip akiliutissai ullut 14-ikkaarlugit kingumut akilerne-
qartassapput aningaaserivimmut SIK-p toqqagaanut.

§ 27 - SIK-p Sulinngiffeqarluni Angalanermut Aningaasaateqarfia.

Avannaata Kommunia SIK-p Sulinngiffeqarluni Angalanermut Aningaasaateqarfianut 1. aprili 2020-imit nalunaaquttap-akunneranut suliffigineqartumut 0,35 kr.-inik akiliuteqartassaaq. Avannaata Kommuniata Bussii -ip akiliutissai ulla 14-ikkaarlugit kingumut akilerneqartassapput aningaaserivimmuit SIK-p toqqagaanut.

§ 28 - Pooqattanik misissuineq.

Pooqattanik misissuisoqaraangat chaufføri ingerlatsivimmilu sulisut ikinnerpaamik marluk najuuttassapput.

§ 29 - Piffissaq isumaqtigiissutip atuuffia.

Imm. 1. Isumaqtigiissut una 1. aprili 2020 atuutilerpoq. Isumaqtigiissut qaammatnik pingasunik sioqqutsisumik kalerriuteqarluni 1. aprili 2023-mut illua'tun-geriinnit atorunnaarsinneqarsinnaavoq, siusinnerpaamillu 31. marts 2023-mi.

Imm. 2. Isumaqtigiissutip atorunnaarsinneqarnerata kingorna nutaamik isumaqtigiissuteqarnissap tungaanut 31. marts 2023 killigalugu akissarsiat pillugit isumaqtigiissummi atuuttut malinnejqassapput.

Nuuk, ulloq 28. Januar 2020

Sulinermik Inuussutissarsiuteqartut Kattuffiat

Jess G. Berthelsen
Kattuffiup siulittaasua



Avannaata Kommuniata Bussii

Nick Nielsen
Direktør

